



# Disputatio juridica inauguralis de testamentis

<https://hdl.handle.net/1874/347244>

DISPUTATIO JURIDICA  
INAUGURALIS  
DE

# TESTAMENTIS,

QUAM,

FAVENTE DEO TER OPT. MAX.

*Ex Auctoritate Magnifici D. Rectoris,*

D. HERMANNI van HALEN,

S.S. Theologiæ Doctoris, ejusdemque Facultatis in Inclytâ Academiâ  
Ultrajectinâ Professoris Ordinarii, Verbiq; Divini ibidem in  
Ecclesiâ Præconis,

NEC NON

*Amplissimi Senatus Academici consensu, Nobilissimæque  
Facultatis JURIDICÆ Decreto,*

PRO GRADU DOCTORATUS

Summisque in UTROQUE JURE honoribus & Privilegiis  
ritè & legitime consequendis,

*Eruditorum examini subjecit*

HENRICUS MEYER, AMSTELODAM.

*A. D. 15. Augusti, hora locoque solitis.*



TRAJECTI ad RHENUM,

Ex Officina FRANCISCI HALMA, Academiae  
Typographi, clō lōc LXXXIX.

*Fide Virtuteque Pollenti VIRO,*

**H E N R I C O M E Y E R,**  
Parenti meo omni sinceritate reve-  
rendo.

**C O N R A D O M E Y E R,**  
Studioſo Vigilantiſſimo arti Medicæ ad-  
dicto, Fratri meo unico Chariffimoque.

N E C N O N

*Nobiliffimo Spectatiſſimo Conſultiſſimo Viro,*

**D. ABRAHAMO FABRO, J. U. D.**  
Ejuſdemque facultatis in illuſtri Amſte-  
lodamenſium Athenæo Profeſſori Cla-  
riffimo ac Vigilantiſſimo Studiorum  
meorum Promotori indefeſſo.

*Haſce Theſes Inaugurales de  
materia Teſtamentorum,*

D. D. D.

**H E R I C U S M E Y E R, JUN.**



DISPUTATIO JURIDICA  
 INAUGURALIS  
 DE  
 TESTAMENTIS.

THESIS I.



Inter modos acquirendi Domini de Jure Civili per universitatem potissimum refertur hereditas §. ult. *Inst. de usu habit. §. ult. Inst. P. Q. P. C. A.* Quæ est successio in universum jus quod defunctus tempore mortis habuit *l. 24. de verb. signif. l. 62. de R. J.* Dico in universum jus: quia transcunt in heredem omnia jura defuncti tam activa, quàm passiva. Unde & heres una eademque persona cum defuncto fingitur. Defertur autem Hereditas aut Testamento aut lege, ab intestato. *d. §. fin. Inst. P. Q. P. C. A.* Testamentariæ ratio potior & prior est habenda, quàm legiti-  
 mæ *l. 39. de R. J. l. 1. D. unde liberi.* Quia provisio hominis tollit provisionem legis: & eo mortuo pro lege servatur. *Nov. 22. Cap. 1.*

I I.

Testamentum autem est testatio mentis (non ex verbis, sed ex re) *pr. Inst. de Test. ord.* & definitur justa voluntatis nostræ sententia de eo quod quis post mortem suam fieri velit, continens directam heredis institutionem. *l. 1. D. qui Test. fac. poss. §. 2. Inst. de Cod. & l. 14. C. de Test.* Dicitur justa: scil. quæ secundum regulas Juris Civiles sit conformata. Dico Juris Civiles, quia licet dispositio morituris permittitur de rebus suis, ex jure naturali proficiscatur, tamen ut non liceat aliter quam hoc vel illo modo, ex Jure Civili obtinet. Ut & modus & forma specialis testandi & effectus, seu jus inde proveniens est proprium cujusque civitatis.

I I I.

Dicitur voluntatis nostræ: intellige liberæ, non vi, metu & instigationibus elicitæ, qualis est etiam captatoria; Nam ultima  
 A 2 volun-



#### 4 DISPUTATIO JURIDICA

voluntas ex alterius nutu & arbitrio non debet dependere. *l. 4. D. de inoff. Test. l. 32. & 70. D. de Hered. Insti.* Unde patet quid sentiendum de istorum opinione qui defendunt Testamenta ad instantiam & interrogationem aliorum condita, aut quibus causam dedere delinimenta & blanditiæ aliorum, valida esse. *Perez. C. si quis aliq. Test. prohib. n. 2.*

#### I V.

Omissis speciebus Testamenti abrogatis de quibus §. 1. *Inst. de Test. ord.* scil. Calatis Comititiis, in procinctu & quæ per æs & libram fiebant, dividemus Testamenta ex Jure novo, id est Civili, prætorio & constitutionibus conjuncto in publicum (quod publica fide ordinatur. *l. 19. C. de Test. de quibus inf. Th. XII. in fin.* & privatum (cujus fides est privata ex testibus & scriptura. *d. l. 19. C. de Test. & Don. in l. 21. n. 2. & 3. C. eod.*) Hoc rursus est commune vel privilegiatum militare & paganicum: Commune non nisi certis solennitatibus adhibitis; Privilegiatum vel omnibus vel quibusdam omissis fieri potest. Utrumque rursus est vel scriptum vel nuncupativum. §. 3. & *fin. Inst. de Test. ord. & l. 21. §. 2. C. de Test.*

#### V.

Ut Testamentum rectè fiat, tria potissimum consideranda. (1.) Persona testantis. (2.) Modus & forma testandi. (3.) Res quas Testamentum continere debet. *l. 4. D. qui Test. fac. poss.* Persona debet esse talis, quæ habeat Testamenti factionem activam *l. 3. 4. 12. D. qui Test. fac. poss.* id est quæ non prohibeatur Testamentum facere. Inter quas præcipue filiusfam. cui (præterquam de bonis Castrensibus & quasi Castrensibus) non licet Testamentum facere de adventitiis, ne illis quidem, quorum pater usumfructum non habet *l. ult. §. 5. de bon. qualib.* Quamvis parente permittente. *l. 3. D. qui Test. fac. poss.* Licet inter vivos de iis disponendi liberam facultatem habeat, modo major sit xxv annis. Per *Nov. 117. Cap. 1. §. 1.*

#### V I.

Inter prohibitos etiam sunt prodigi post interdictionem bonorum. §. 2. *Inst. quib. non est perm. Test. fac.* Quod tamen aliqui limitant: Nisi Testamento prospexerint iis, quibus consulere debent, uti si instituerint eos, qui ab intestato iis succedere debent per *Nov. Leon. 39.* cui addendus *Sand. lib. 4. Tit. 1. def. 3.* Porro inter prohibitos de Jure Civili erant etiam ad mortem damnati. Quod tamen



men hodie aliter se habet, nisi publicatio bonorum damnationem sequatur. *Nov. 22. cap. 1. aub.* sed hodie *C. de don. inter vir. & uxor. Wesemb. in parat. ff. qui Test. fac. poss. n. 13.*

V I I.

Testandi forma & modus consistit præcipuè in solennitate observanda tam in scripto, quàm nuncupativo Testamento. Quod refertur testium habilitas, eorum numerus, convocatio & rogatio, subscriptio & subsignatio: Et unicus tandem contextus. Testes habiles sunt cum quibus est Testamenti factio § 6. *Inst. de Test. ord.* scil. tempore conditi aut signati Testamenti. Quo etiam inhabilitas putativa unius ex testibus non obstat. *Bronch. Cent. 2. M. Q. 15. l. 22. §. 1. D. qui Test. fac. poss.* Sed addendum priori assertioni, nisi natura aut lege prohibeantur qui & d. § 6. enumerantur. Inter quos præcipuè mentio fit mulieris *l. 20. §. 6. d. Tit.* quæ tamen testis potest esse in Codicillis & Testamentis militum, aliisque privilegiatis. *inf. Th. XII.*

V I I I.

In genere testes habiles non sunt, quos lex intestabiles esse jubet *l. 20. §. 5. D. qui Test. fac. poss.* In quorundam autem Testamentis adhiberi nequeunt qui in aliorum non prohibentur. v. g. Heres institutus ejusve pater quique in ejusdem patris sunt potestate. Sic & fideicommissarius universalis, quia heredis loco est. § 3. *de fideic. Heredit.* Pater in Testamento filii, nisi ante missionem de Castrensi peculio. § 9. *Instit. de Test.* Legatarii vero & fideicommissarii à testimonio non arcentur: Quia non de sua sed heredis causa testantur & plerumque liberalitatis sunt ignari § 11. *Inst. h. tit.* ubi & alia ratio redditur.

I X.

De Jure Civili & prætorio testes Septem præcise requiruntur ad eum, si unius saltem defecerit totum vitietur Testamentum. *l. 12. C. de Test.* Statuto tamen & consuetudine loci minor numerus induci potest *Mynsing. 5. Obs. 20.* ubi, hoc non obstante, obiter notandum, quod Testamentum secundum solennitatem unius loci factum valeat alibi quoque *Perez. C. de Test. n. 21.* nisi de bonis aliquod statutum singulare factum. *Gail. 2. Obs. 123. Sand. lib. 4. tit. 1. Def. 14.* Porro rogatos oportet esse testes etiam ubi alia de causa præsentibus adsunt. *d. l. 21. §. 2. D. qui test. fac.* ac demum coram iis animo præsentibus, & Testatorem oculis videntibus testatio uno contextu, nullo extraneo actu interveniente fieri debet. *l. 28. & 21. C. de Test.*



## 6 DISPUTATIO JURIDICA

### X.

Ad scriptum Testamentum tandem subscriptio testatoris requiritur vel ejus loco octavi Testis; tum & testium subscriptio & subscriptio, quæ potest etiam fieri uno annulo vel alio instrumento, sigilli loco usurpato. §. 5. *Inst. de Test. ord. l. 29. C. de Test. l. 4. D. Testam. quemadm. aper. Don. 6. Comment. 8.* ut vero nomen heredis per manus Testatoris vel testium exprimitur, remissum est. *Nov. 119. Cap. 9.*

### X I.

Nuncupativum Testamentum easdem præter scripturam solennitates requirit modo ab initio ore pronuncietur, & redactum in scripturam & in mundum Testatori denuò prælegatur *Sand.* specialem casum de Testamento matris nuncupativo coram quatuor testibus proponit *lib. 4 tit. 1 Def. 7.* sed hoc extra metas nostras. Adde ad probationem nostræ Thesisi §. *ult. Inst. de Test. ord. l. 21. §. pen. D. qui Test. fac. poss. & l. 21. §. pen. C. de Testam.*

### X I I.

Privilegiata Testamenta appellamus, quæ etiam remissis aut omissis superioribus solennitatibus facta rata habentur v. g. præter militare, de quo *inf. Tb XXIV.* (1.) Testamenta inter rusticos in quibus etiam quinque testes sufficiunt. *l. fin. C. de Test.* (2.) Parentum inter liberos, ubi etiam nulli testes desiderantur *l. 21. §. fin. C. de Test.* si modo eorum scriptura vel subscriptio exhibeatur. *Carpz. p. 3. c. 4. def. 17. & seq. adde Nov. 107. c. 1.* Quod si in eadem dispositione extraneis quicquam relictum est non valet *l. ult. C. fam. excise.* (3.) Testamenta tempore pestis facta de quibus *Berlich. 3. concl. 8. n. 53.* adde *l. 8. C. de Test.* (4.) Testamenta ad pias causas *cap. 11. de Test.* adde *Carpz. p. 3. c. 4. def. 33.* (5.) Testamenta coram Principe facta (6.) ea quæ actis insinuantur. *l. 19. C. de Test. & l. 13. C. de donat.*

### X I I I.

Res quam Testamentum principaliter continere debet est institutio heredis caput & fundamentum ejusdem. §. 34. *Inst. de legat.* quæ vel est directa vel fideicommissaria (de qua tamen alibi) vel est necessaria, vel arbitraria, vel pura vel conditionalis, vel primo aut secundo vel ulteriori gradu.

### X I V.

Necessario autem aut heredes instituere aut nominatim exheredare debent parentes liberos in potestate qui sunt. *pr. Inst. de exhered. lib.*



*lib. l. 30. de lib. & posth.* aded, ut si prætereant eos, Testamentum ipso jure nullum sit nec legata nec alia disposita in Testamento quicquam valeant *l. 16. ff. de inj. rupt. Gail. 2. observ. 113.* Hic occurrit quod nec posthumi quidem debeant præteriri, quia iis natis Testamentum ipso jure rumpitur *l. 1. C. de posth. hered. Insti.* Quod de posthumis sive respectu mortis testatoris, sive respectu Testamenti facti sive veris & suis, sive ex lege Julia Velleja etiam quasi posthumis est intelligendum §. 2. *Inst. de exhered. & l. 29 D. de lib & posth.*

## X V.

Præteritio tamen materna & cæterorum qui non habent in potestate liberos exheredationi æquiparatur & Testamentum ipso jure non facit nullum, sed per querelam inofficiosi Testamenti est evacuandum quod sit respectu solius institutionis reliquis capitulis salvus §. *ult. Inst. de exhered. lib. Nov. 115. cap. 3. & 5.* & hæc de jure Civili: Quia prætorio jure sustinetur Testamentum patris, in quo præteriti liberi sui si post mortem patris ab hereditate abstinuerint, modo septem testium signis fuerit signatum, tunc enim ex bono & æquo scriptus heres admittitur *l. 17. D. de inj. rupt. & l. 2. D. de bon. possess. sec. Tab.* Si vero emancipatus à patre præteritus prætor ei concedit possessionem bonorum contra Tabulas *l. 8. §. ult. ff. de bon. poss. contra Tab. l. 4. C. de lib. præter.*

## X V I.

Etsi liberi in potestate existentes proximo gradu sui in jure civili dicti vivis parentibus quodammodo domini sint rerum paternarum §. 2. *Inst. de Hered. q. & diff. juncto §. 2. de Hered. ab Intest.* Attamen non obstante hac sinitate jure patriæ potestatis exheredari possunt ingrati. *l. 11. D. de lib. & posth.* Sed exheredatio tunc demum valet si ex justa quadam causa nominatim & expressa vel alicui expressarum simili fiat. *Nov. 115. c. 3. adde Gail. 2. observ. 95. n. 17.* Obiter tamen nota exheredationem a patre fieri posse etiam bona mente & provisione magis quàm odio futuri heredis, eamque in usu esse præjudicio probat. *Sand. lib. 4. Tit. 2. Def. 3.* & sicut præteritio interdum pro exheredatione habetur, ita parentes quoque à liberis instituendi vel exheredandi, pro exheredatione illorum sola valeat præteritio *l. 15. D. de Inoff. Test. & Nov. 115. c. 4 Sand. lib. 4. Tit. 2. def. 4.*

## X V I I.

Extra Institutionem vel exheredationem necessariam, Institutio extraneorum quorumcunque heredum pro arbitrio testatoris fit, modo cum iis sit Testamenti factio passiva. §. 4. *Inst. de hered. q. & diff.*  
l. 49.



## 8 DISPUTATIO JURIDICA

*l. 49. §. 1. de hered. Instit.* Licet sint ignoti & incerti modo possint certi fieri. *§. 25. de legat. §. ult. Inst. de hered. instit.* Et sic Civitas, Collegia, pauperes recte instituuntur *l. 8. & 12. Cod. de hered. instit. l. 24. 28. 49. C. de Episc. & Cleric.* Imo & posthumus alienis. *§. 28 Inst. de legat. adde Bronch. Cent. 3. Q. 62. Carpz. p. 3. Constit. 9. def. 14.*

### X V I I I.

Institutio heredis potest fieri vel in universa hereditate, vel in re certa & tunc non minus ex asse heres est Institutus, quam priori casu. *§. 5. Inst. de hered. Instit. & §. 3. Q. M. T. infirm.* Intellige tamen hoc si solus sit Institutus. *l. 1. §. 4. l. 9. §. 13. l. 74. D. de hered. Instit.* Sin ipsi coheres datus, vel indefinite aut etiam ex parte hereditatis, ille non heres sed legatarius est. *l. 13. C. de hered. Instit. adde Vinn. 2. Sel. Quest. 22. in pr.*

### X I X.

Inter plures heredes conjunctim Institutos occurrit jus accrescendi, si quidam ex illis defecerint. Quæ conjunctio triplici modo fieri potest. *l. 142. de verb. signif. adde § 8. Inst. de legat. Imprimis l. unic. §. 10. C. de Caduc. tollend.* ubi ab Interpretibus dubitatur an etiam in verbis tantum conjunctis locum habeat illud jus, quod communiter negatur per *l. 66 D. de hered. Instit. l. 20. D. de legat. 2. adde Fachin. 5. controv. 50.* Sed distinctione potest hæc lis soperi. *Don. 7. comment. 13.* Hoc jus Accrescendi Testamento simpliciter non potest prohibere, potest tamen certo modo & per indirectum, dando vacaturis substitutos. *Fachin. 4. controv. 15. & Vim 2. Sel. Quest. 22.*

### X X.

Institutio heredis potest fieri vel pure vel sub conditione *§. 9. Instit. de Hered. Instit.* Et extranei quidem sub conditione vel casuali vel arbitraria vel mixta: Liberi vero & parentes saltem sub potestativa *l. 4. pr. & §. fin D. de hered. Instit. l. fin. D. de condit. Institut.* Impossibilis institutionem non vitiat sed pro non scripta habetur *§. 10. Inst. de hered. instit.* Contra quàm perplexa *l. 16. D. eod.* Hic occurrit quæstio notabilis an liberi in conditione positi in dispositione quoque positi censeantur, quod nos negamus per *l. 8. Dig. si quis omiſſa causa Test. l. 16. D. de vulg. & pupill. substit. adde & Schotan. in exam. jur. ad Tit. D. de condit. Instit. Q. ult. per l. 1. C. de pact. adde & Gail. 2. observ. 136. n. 18. Sand. lib. 4. Tit. 6. def. 5. Perez. C. de Instit. & substit. n. 13.*

### X X I.

Substitutio (quo supra diximus Institutionem heredis fieri secundo



do vel ulteriori gradu) est vel vulgaris vel pupillaris vel quasi pupillaris sive exemplaris vel militaris. Circa quas species notanda diversitas casuum. Casus autem est eventus, in quem substitutio conferitur eorumque duo sunt generales, duo speciales. Vulgaris fit à quovis, cuius, etiam à muliere in casum primum non existentiae vel si heres non erit. Qui casus generaliter positus comprehendit tam casum voluntatis quam impotentiae. Si tamen in unum casum verb. grat. impotentiae expressè facta sit, non extenditur ad alterum si noluerit. *l. 21. D. de vulg. & pupill. substit. Fachin. 4. cont. 61. Schoran. in exam. jur. ad Tit. D. de vulg. & pup. substit. Quest. quid si substituit. cum seq. Vulgaris hæc substitutio extinguitur adita hereditate.*

## X X I I.

Pupillaris fit liberis impuberibus qui sunt in potestate substituents, tam substitutionis, quam mortis tempore. Ergo non à matre. Hæc fit in casum secundum existentiae & mortis intra certum tempus verb. grat. pubertatis, quippe qua finitur, nec ultra id tempus si fiat in vim fideicommissi valet §. ult. *Inst. de pup. substit. l. 7. D. de vulg. & pup. substit. nisi clausula codicillaris sit inserta. Carpz. p. 3. constit. 8. def. 19. Schotan. in exam. jur. ad dict. Tit. de pup. substit. Quest. si majoris.* Quod in pupillari singulare est fieri etiam potest exheredatis §. 4. *Instit. de pup. substit. junct. l. 6. de injusto rupto & §. 7. Instit. de hered. ab intestato sicut & tutoris Testamentarii datio §. 3. Inst. de Tutel. De utraque & vulgari & pupillari nota, quod fiant vel expressè vel tacite, ita ut expressa vulgaris tacitam pupillarem, & vice versa expressa pupillaris tacitam vulgarem contineat *l. 4. D. de vulg. & pupill. substit. l. 4. C. de impub. & aliis substituit. Don 6. comment. 26.**

## X X I I I.

Quasi pupillaris fit quasi pupillis id est furiosis aut mente captis tam à patre quam à matre, in tertium casum si in furore seu mente captus decesserit. Et hæc fit non nisi certis personis in locum deficientis substitutis de quibus §. 1. *Inst. de pup. substit. finiturque mente capti resipiscencia l. 9. C. de impub. & al. substit. Militaris denique fit heredi etiam sana mente prædito ultra pupillarem ætatem in casum quartum quandocumque decesserit Institutus aut etiam si prius decesserit, quam ad legitimam ætatem pervenerit *l. 5. & §. 41. §. 4. D. de Test. milit. Quæ privilegio militari valet, & in paganis non obtinet. l. 15. §. pen. D. de Test. milit. Perez. C. de impub. & al. substit. n. 27.**

## X X I V.

Hujus occasione breviter hic nobis de militari Testamento ejusque

B

singu-



## 10 DISPUTATIO JURIDICA

singularibus quædam addenda: Quia & hoc referendum dixi sup. Th. XII. inter privilegiata. Unde & vulgo dicitur miles, quatenus in expeditione & in numeris existit testatur quomodo vult & quomodo potest: sano sensu: Namque (1) constare debet de ejus voluntate (2) de herede certo (3) requiruntur in nuncupativo ejus Testamento duo ad minimum testes, quamvis non rogati. Præter hæc singularia in eo sunt (1) quod potest decedere cum pluribus Testamentis l. 12. D. de Test. milit. (2) simul testatus & intestatus §. 5. Inst. de hered. instit. (3) ejus scientis se habere liberos præteritio habetur pro exheredatione. §. 6. de exhered. lib. (4) ejusdem Testamentum non subjacet quærelæ inofficiosi. l. 8. §. 4. l. 27. §. 2. D. de inoff. Test. l. 24. C. eod. (5) ante militiam factum non jure convalescit accedente quodam facto, dum militat. l. 20. §. 1. de milit. Test. (6) per capitis deminutionem non fit irritum §. 5. Inst. de milit. Test. (7) Tempore militæ factum post missionem intra annum adhuc valet §. 3. Inst. de milit. Test. (8) mutus & surdus miles testari potest ante missionem. l. 4. D. & §. 2. Inst. de milit. Test. & quod dictum (9) potest militari privilegio substituere in quartum casum.

## X X V.

Testamenta jure subsistentia interdum quadam ex causa infirmantur, vel ipso jure, vel sententia Judicis. Ipso jure (1) quando rumpuntur scil. agnatione sui heredis vera vel quasi §. 1. Q. M. T. Infirm. quo pertinet & arrogatio vel adoptio, & legitimatio filii naturalis post factum Testamentum §. 2. Inst. de heredit. ab Intest. Nov. 89. c. 8. & 9. Item posteriori Testamento, jure perfecto, licet non extiterit ex eo heres, licet etiam in posteriori Testamento sit scriptus heres certarum rerum §. 2. & 3. Inst. Q. M. T. I. Non vero nuda voluntate aut revocatione §. 7. Inst. Q. M. T. I. & l. 27. C. de Test. Quamvis nuncupativum Testamentum coram Notario & testibus revocetur vel aliud Testamentum jure fiat. Hic quæritur: an si priori Testamento *Clausula derogatoria inserta*, cujus in posteriori non facta mentio, an posterius perfectum nihilominus prius tollat quod affirmatur. Nemo enim sibi legem dicere potest à qua non recedat l. 22. ff. de legat. 3. l. 3. Qui Test. fac. poss. Sand. lib. 4. Tit. 1. def. 10. Carp. p. 3. constit. 5. def. 19.

## X X V I.

Rumpi quoque dicitur Testamentum volente testatore rescissione, resignatione ac deletionem prioris Testamenti, consulto, non casu facta Tit. D. de his qua in Test. delent. l. ult. ff. de injusto rupto. l. pen. C. de Test. Dantur



Dantur tamen casus, quibus prius solenne Testamentum posteriori minus solenni rumpitur. v. grat. si in posteriori scripti fuerint ab intestato successuri *l. 21. §. 3. & l. 27. C. de Test.* Item si post confectionem Testamenti decennium lapsum, & Testator professus sit coram tribus testibus vel actis, se non velle ut prius Testamentum valeat.

X X V I I.

Interveniente officio iudicis querela inofficiosi Testamenti mota vel à liberis vel à parentibus vel certo casu à fratribus & sororibus germanis vel consanguineis *l. 27. C. de inoff. Test.* rescinditur Testamentum quoad institutionem heredis, contra quem datur, reliquis capitulis salvis *tit. inst. ff. & C. de inoff. Test.* circa quam Justinianus multa correxit & innovavit *Nov. 115. c. 3. 4. 5. anth. ex causa C. de lib. prater.* ejus hodie non minor quam olim usus superest. Cessat tamen quibusdam casibus *§. 2. inst. h. tit.* Imprimis si legitima titulo institutionis *§. ult. inst. cod.* vel tota vel ejus pars exheredato aut praterito relicta *§. 3. inst. l. 30. C. eod.* Quo posteriori casu ad supplementum agitur conditione ex *l. 30. C. de inoff. Test. Nov. 115. c. 2.* Quæ non ut querela quinquennio præscribitur sed perpetua est *l. 3. C. de præscript. 30. ann.* Et quamvis non præparata à defuncto transit ad heredem neque extinguitur agnitione ejus quod Testamento relicto: contra quam in querela fit *l. 35. §. 2. C. de Test. inoff. Gail. 2. obs. 220. Mynsing. 1. obs. 30.*

X X V I I I.

Ad Testamenti executionem & consummationem requiritur acquisitio hereditatis circa quam observandum, quod hodie omnis acquisitio hereditatis sit voluntaria. Et per eam heres continuet successionem in omnia jura testatoris ut sup. Th. 1. dictum. Et hinc aditio hereditatis inter quasi contractus refertur *§. 5. inst. de obl. ex q. Contr.* Dico in omnia jura: Quia quæ facti sunt non nisi apprehensione possessionis acquiruntur *l. 23. D. de acquir. possess.* nec transeunt in heredem, quæ personæ defuncti cohærent, & cum ea extinguuntur v. gr. usufructus, exceptio competentis *l. 7. D. de except. l. 24. de re judic. & similia.*

X X I X.

Hereditas semel quæ sita amplius repudiare nequit *l. 4. C. de repud. heredit.* Nec pro parte fieri potest. Unde nec filius paternam hereditatem servata sibi legitima repudiare pro reliquo potest. *l. 1. & 2. de acquir. heredit.* Ne itaque temere fiat aditio hereditatis



duo beneficia jure constitutionum introducta jus deliberandi & inventarii conficiendi §. 5. *inst. de hered. qual. & diff.* Quorum posterius longè pinguius & tutissimum *l. fin. §. 4. C. de jure deliber.* Si quidem inventario confecto non ultra vires hereditarias tenetur heredes, nec actiones contra defunctum amittit. *l. 95. D. de solution.* Cum contra eodem omisso, beneficium legis falcidiæ & Trebellicianæ detrahendæ amittit, non tamen legitimam, si filius aut pater sit. *l. fin. §. 11. C. de jure deliber. & Nov. 1. c. pen.* cum sit jure Naturæ debita & petatur tanquam æs alienum.

## X X X.

De Codicillis pauca subjicere lubet si quando à Testatore vel in Testamento vel ante vel post Testamentum fiunt, Testamenti sunt accessorium. *l. 5. D. de jure Codicill.* Unde qui non potest Testamentum facere, ne quidem Codicillos potest *l. 6. §. pen. l. 8. §. Codicilli D. de jure Codicill.* Cum autem ab Intestato fiunt, vicem Testamenti exhibent. Unde & dicuntur Testamentum imperfectum *l. ab intestato 16. D. de jure Codicill.* In his nulla solennitas ordinationis sed tantum probationis requiritur §. *ult. inst. de Codicill. & l. ult. in fine eod.* In confirmatis Testamento nec hac opus est quippe quibus sustinendis sufficit etiam ipsius Testamenti solennitas *l. ult. §. ult. C. de jure Codicill.*

## X X X I.

De Clausula Codicillari (quæ magis ex stylo & consuetudine Notariorum adhiberi solet quam ex certa voluntate Testatoris,) quæritur; Num addita imperfecto Testamento semper & per omnia illud salvet & suppleat. Et distinguendum putamus inter Testamenta invalida & imperfecta respectu accidentium & solennitatum & inter ea, quibus substantialium aliquid deest. v. gr. (1) Si fortè in voluntate defuncti defectus vel obscuritas deprehendatur vel (2) Si fortè eveniat ut non adeatur hereditas *l. 14. C. de fideic. l. 181. de R. J.* vel. (3.) Si liberi fuerint præterit aut injustè exheredati ut propterea Testamentum sit rescindendum *l. 1. & 17. D. de injust. rupt. & l. 25. D. Qui Test. fac. poss.* Quibus posterioribus casibus omnibus nihil potest clausula illa Codicillaris adeo Perez. *C. de Codicill. n. 6.*

F I N I S.